

南北史補志卷十一

江甯汪士鐸

禮儀志第一

敘曰昔在唐虞祭天爲天禮祭地爲地禮宗廟爲人禮書曰伯夷
典朕三禮殷因於夏有所損益周公救亂宏制斯文以吉禮敬鬼
神凶禮哀邦國賓禮親賓客軍禮誅不虔嘉禮合姻好謂之五禮
故曰經禮三百威儀三千未有入室而不由戶者遷周削弱昭公
娶孟子而諱姓陽侯竊女色而傷人婚姻之禮廢而淫僻之罪多
羣飲而逸不知其郵鄉飲酒之禮廢而爭鬪之獄繁魯侯逆五廟
之祀齊宣短三年之制喪祭之禮廢而骨肉之恩薄諸侯下堂於
天子五伯召君於河陽朝聘之禮廢而侵陵之漸起秦氏尊君抑
臣以爲時用至於退讓起於趨步忠孝成於動止一切擯棄漢祖

平秦未遑朝制叔孫通始起朝儀而班固之志不載漢文創易月之紀武帝興典制而愛方術鬼神之祭流宕不歸世祖崇儉七廟共堂明皇祀明堂襲冠冕登靈臺望雲物得其時制厥後太尉胡廣造舊儀蔡邕撰獨斷應劭蔡質咸有綴輯馬彪不取而高堂生所傳士禮亦謂之儀西京以來恃爲裁準魏祖矯侈惑斂去襲稱王粲衛覲集創朝儀魚豢王沈陳壽孫盛之徒未之詳也時則孟光許慈草創西蜀丁孚拾遺於吳旣而晉武并二郊荀顗定晉禮鄭冲羊祐任愷庾峻應貞共刪集爲百六十五篇摯虞傳咸亦相續述今摯氏決疑注是也江左荀崧刁協蔡謨又緝理乖紊宋初因循改革事係羣儒永明二年太子步兵校尉伏曼容表定禮樂於是詔尙書令王檢制定新禮立治禮樂學士及職局置舊學四人新學六人正書令史各一人幹一人秘書省差能書弟子二人

因集前代撰治五禮齊氏因之則王儉何佟之典司禮儀梁武命羣儒裁大典吉禮則明山賓凶禮則嚴植之軍禮則陸璉賓禮則賀瑒嘉禮則司馬褰而沈約周捨徐勉何佟之等咸共詳參陳武平建業多准梁舊尙書左丞江德藻員外散騎常侍沈洙博士沈文阿中書舍人劉師知等因事取捨魏祖崎嶇戎馬太和始事禮儀後齊則左僕射楊休之度支尙書元修伯鴻臚卿王晞國子博士熊安生在周則蘇綽盧辯宇文弼並平章國典以爲時用隋高祖命牛宏辛彥之等採梁及北齊儀注以爲五禮今悉載之

吉禮以祀鬼神元肆類上帝大典也古者冬至祀昊天上帝耀魄寶於圓丘又以夏正月上辛祀感生帝如周人祀靈威仰之類於南郊本二祭也晉泰始元年十一月己卯始并二至圓丘方澤之祀合於二郊爲一祭而所告亦不分焉晉恭帝元興二年五月遣

使奉策禪帝位於宋永初元年六月丁卯設壇南郊受皇帝璽紱

柴燎告類

策曰皇帝臣裕敢用元牡昭告皇皇后帝晉帝以卜世告終歷數有歸欽若景運以命于裕夫樹君司民天下

爲公德充帝王樂推攸集越俟唐虞降暨漢魏靡不以上哲格文祖元勳陟帝位故能大拯黔黎垂訓無窮晉自東遷四維弗樹宰輔焉依爲日久難棘隆安禍成元興遂至帝王遷播宗祀湮滅裕雖地非齊晉衆無一旅仰憤時難俯悼橫流投袂一麾則皇祚剋復及危而能持顛而能扶姦充具殲僭僞亦滅誠否終必泰興廢有期至於撥亂濟民大造晉室因藉時運以尸其勞加以殊俗慕義重譯來欵正朔所暨咸服聲教至乃三靈垂象山川告祥人神和協歲月茲著是以羣公卿士億兆夷人僉曰皇靈降鑒於上晉朝欵誠於下天命不可以久淹宸極不可以暫曠遂逼羣議恭茲大禮猥以寡德託於兆民之上雖仰畏天威略是小節顧茲永懷祇懼若厲敬簡元日升壇受禪告類上帝用酬是年皇太子拜萬國之嘉望克隆天保永祚於有宋惟明靈是饗

告南北郊自後開年正月上辛親郊祀孝武帝孝建元年正月己

亥皆祀南郊六月癸巳八座奏劉義宣臧質干時犯順戒嚴之日

二郊廟社皆已遍告惟義宣爲逆未經同告今二寇俱殄並宜昭

告檢元嘉三年討謝晦之始普告二郊太廟賊平唯告廟社不告

二郊太學博士徐宏孫勃陸澄議禮無不報始既遍告今賊禽不
應不同告國子助教蘇瑋生議王制天子巡狩歸假于祖禰曾子
問諸侯適天子告於祖莫於禰命祝史告於社稷宗廟山川告用
牲幣反亦如之諸侯相見反必告於祖禰乃命祝史告至於前所
告者又云天子諸侯將出必以幣帛皮圭告於祖禰反必告至天
子出征類于上帝推前所告者歸必告至則宜告郊而元嘉三年
唯告廟社或當以禮記唯云歸假祖禰無告郊之辭耳夫天子反
行告社亦無成記何故告郊獨當致嫌今輿駕本未出宮無容有
告至之文若告不行之禮則未有前准臣等參議宜用牲告二郊
廟社公卿行事

冊府元龜五百六十三孝武卽位初軍府造次不曉朝章徐爰素諳其事既至莫不嘉悅以兼太常

丞撰立儀注

宋禮志孝建二年正月十五日南郊舊儀廟祠至尊親奉

太尉亞獻南郊親奉太常亞獻又廟祠行事之始以酒灌地送神

則不灌而郊初灌同於廟祠送神又灌其儀不同太學博士王燮之議案周禮大宗伯以吉禮事鬼神祇禋祀昊天則今太常是也以郊天太常亞獻又周禮外宗云王后不與則贊宗伯鄭元云后不與祭宗伯攝其事又君執圭瓚裸尸大宗伯執璋瓚亞獻中代以來后不廟祭則應大宗伯攝亞獻今以太尉亞獻鄭注月令云三王有司馬無太尉太尉秦官也蓋宗廟崇敬故以上公亞獻又鄭注儀禮有司云天子諸侯祭於祊而繹繹又祭也今廟祠闕送神之祊將以移祭祊繹明意在留神非殺禮也太常丞朱膺之議大宗伯以事神爲上職總祭祀而昊天爲首今太常卽宗伯也袁山松漢百官志云郊祀之事太尉掌亞獻光祿掌三獻太常每祭祀先奏其禮儀及行事掌贊天子無亞獻事今宗廟太尉亞獻光祿三獻則漢儀也又賀循制太尉由東南道升壇明此官必預郊祭古

禮雖由宗伯然世有因革土司亞獻漢儀所行愚謂郊祀禮重宜

同宗廟且太常既掌贊天子事不容兼又尋灌事禮記曰祭求諸

陰陽之義也

殷人先求諸陽樂三闕然後迎牲則殷人後灌也周人先求諸陰灌用鬯達於淵泉既灌然後迎牲則周

人先灌也

此謂廟祭非謂郊祠周禮天官凡祭祀贊王裸將之事

鄭注云裸

者灌也

唯人道宗廟有灌天地大神至尊不灌而今郊祠有灌於禮

爲失通關八座丞郎博士竝同膺之議三年正月辛巳祀南郊

宋書

作辛丑

大明二年正月六日南郊有司奏輿駕親奉至時或雨魏世

值雨高堂隆謂應更用後辛晉時既出遇雨顧和亦云宜更告徐

禪云晉武之世或用丙用已用庚若遷日者應更告廟否博士王

變之議遇雨遷郊先代成議禮傳所記辛日有徵郊特牲曰郊之

用辛也周之始郊日以至

鄭注曰三王之郊一用夏正用辛者取其齋戒自新也

月令曰乃

擇元日祈穀于上帝注曰元日謂上辛郊祭天也春秋載郊有二

成十七年九月辛丑郊

公羊曰曷用郊用正月上辛

哀元年四月辛巳郊

穀梁曰自

正月至于三月郊之時也以十二月下辛卜正月上辛如不從以正月下辛卜二月上辛如不從以二月下辛卜三月上辛

斯明之郊禮未有用辛者也晉氏或丙己庚竝有別議

武帝以

丙寅南郊受禪斯則不得用辛也三年十一月庚寅冬至祠天今郊于圓丘是猶用圓丘之禮非專祈穀之祭故皆不得用辛

之郊饗既行夏時雖得遷郊却猶必用辛徐禪所據或爲未直案

郊特性曰受命于祖廟作龜于禰宮

鄭注曰受命謂告退而卜也

則告義在郊

非爲告日今日雖有遷而郊禮不異不宜重告曹郎朱膺之議按

先儒論郊其議不一周禮有冬至圓丘之祭月令有孟春祈穀上

帝

鄭氏說圓丘祀昊天上帝以帝嚳配所謂禘也祈穀祀五精之帝以后稷配所謂郊也

二祭異時其神不

同諸儒云圓丘之祭以后稷配取其所在名之曰郊以形體言之

謂之圓丘名雖有二其實一祭晉武從諸儒是以郊用冬至旣以

至日理無常辛然則晉代中原郊不用辛如徐禪議也江左皆用

正月當以傳云三王之郊各以其正晉行夏時故因以首歲不以
冬日皆用上辛近代成典夫祭之禮過時不舉今孟春郊時未過
值雨遷日於禮無違既已告日而以事不從禋祀重敬謂宜更告
高堂隆云九日南郊十日北郊是北郊可不以辛也尙書何偃議
鄭注禮記引易說三王之郊一用夏正周禮凡國大事多用正歲
左傳云啟蟄而郊鄭說誠有據矣衆家曲說或云三王各用其正
郊天及穀梁三春皆可郊之月皆爲膚淺然用辛之說猶無不同
變之以受命作龜知告不在日其義爲允右丞徐爰議郊禮用辛
有礙遷日何偃據禮不應重告愚謂情所同尋告郊尅辰於今宜
改告事而已次辛十日居然展齋養牲在滌無緣三月謂毛血告
牲之後雖有事礙便應有司行事不容遷郊詔謂宜依經遇雨遷
用後辛不重告若殺牲薦血之後值雨則有司行事

南史是年正月辛亥祀南

郊三年九月尚書右丞徐爰議郊祀之位遠古蔑聞禮記燔柴於大壇祭天也兆於南郊就陽位也漢初甘泉河東裡埋易位終亦徙於長安南北光武紹祚定二郊洛陽南北晉氏過江悉在於此成帝立二郊天郊則六十二神五帝之佐日月五星二十八宿文昌北斗三台司命軒轅后土太一天一太微鈞陳北極兩師雷電司空風伯老人諸神也然南出道狹未議開闢遂於南東已地創立丘壇皇宋受命因而弗改且居民之中非邑外之謂宜移郊正午以定天位博士司馬興之傳郁太常丞陸澄竝同爰議乃移郊兆於秣陵牛頭山西當宮午地世祖崩前廢帝以郊舊地爲吉移還本處郊祀之日皇帝散齋七日致齋三日官掌清者亦如之致齋之朝

御太極殿幄坐著絳紗褰黑介幘通天金博山冠先郊日未晡五

刻夕牲公卿京兆尹衆官壇東就位太祝史牽牲入到榜稟犧令跪白請省牲舉手曰腊太祝令繞牲舉手曰充太祝

令牽牲詣庖以二陶豆酌毛血其一奠皇天神座前一奠太祖神

座前郊之日未明八刻太祝令進饌即施饌牲用繭栗二頭羣神

用牛一頭醴用秬鬯藉用白茅元酒一器器用陶匏以瓦樽盛酒

瓦圻斟酒璧用蒼玉蒯席各二不設茵蓐

古者席藁晉江左用蒯

車駕出

百官

應齋及從駕填街先置者各隨申攝從事

上水一刻御服龍袞平天冠升金根車到壇

東門外博士太常引入到黑攢太祝令跪執陶匏酒以灌地皇帝

再拜興羣臣皆再拜伏治禮曰興博士太常引皇帝至南階脫舄

升壇詣疊盥黃門侍郎洗爵跪授皇帝執樽郎授爵酌秬鬯授皇

帝跪奠皇天神座前再拜興次詣太祖神座前執爵跪奠如皇天

之禮南面北向一拜伏太祝令各酌福酒合置一爵中跪進皇帝

再拜伏飲福酒訖博士太常引帝從東階下還南階謁者引太常

升壇亞獻謁者又引光祿升壇終獻訖各降階還本位太祝送神

跪執陶匏酒以灌地興直南行出壇門治禮舉手白羣臣皆再拜
伏皇帝興治禮曰興博士跪曰祠事畢就燎博士太常引皇帝就
燎位當壇東階皇帝南向立太祝令以案奉玉璧牲體爵酒黍飯
諸饌物登壇施設之治禮舉手曰可燎三人持火炬上火發太祝
令等各下壇壇東西各二十人以炬投壇火半傾博士仰白事畢
皇帝出便坐解嚴

天子有故則三公行事而太尉初獻其亞獻終獻太常光祿勳也

大明四年正

月辛未六年正月辛卯八年正月辛巳皆祀南郊明帝泰始二年
十一月辛酉詔九服旣康百祀咸秩宜聿遵前典郊謁上帝用黃
門侍郎徐爰議謂虞稱肆類殷述昭告開統肇基必享上帝高祖
克僞楚晉安帝尙在江陵因於京師告義功於郊兆今秦始應符
王赫出討雖司奉弗虧親謁尙闕昔晉武郊以二月晉元禪以三
月有非常之慶必有非常之典不得拘以正月上辛下史官考擇

十一月嘉吉車駕親郊上帝其餘祔食不關今祭六年正月乙亥
詔古禮王者每歲郊享爰及明堂自晉以來閏年一郊明堂同日
自今可閏二年一郊閏歲一明堂前兼曹郎虞愿議郊祭宗祀俱
主天神而同日殷薦於義爲黷明詔使圖丘報功三載一享明堂
配帝閏歲昭薦詳辰酌衷寔允懋典曹郎王延秀議自初郊閏二
載明堂間一載第二郊與第三明堂還復同歲愿謂自始郊明堂
以後宜各間二年以斯相推長得異歲後廢帝元徽二年十月丁巳有司奏郊祀明堂還復
同日間
年一修

周禮大司樂有方澤之祭漢文帝初祭地祇於滑陽以高帝配武

帝立后土社祠於汾陰亦以高帝配

漢氏以太祖兼配天地則未以後配地也王莽作相引周

禮享先妣爲配北郊夏至祭后土以高后配

光武建武中不立北郊故后地之祇常配

食天壇山川羣望皆在營內凡一千五百一十四神中元年建北

郊使司空馮魴告高廟以薄后代呂后配地江左初未立北壇地

祇衆神共在天郊也晉北郊則四十四神五嶽四望四海四瀆五

湖五帝之佐沂山嶽山白石山霍山鑒無閭山蔣山松江會稽山

錢塘江先農凡四十四

江南諸小山蓋江左所立猶漢西京關中
小水皆有祭秩也二郊所秩官有其注

其地始立於覆舟山南宋太祖以其地爲樂游苑遂移山西北後

爲北湖又移於湖塘西北其地卑下三移於白石邨東其地又以

爲湖四移於鍾山北京道西於南郊相對

後罷白石東湖
北郊還舊處

其齋夕

牲進孰及乘輿百官到壇三獻悉如南郊儀唯事訖太祝令牲玉

饌物詣埆置牲上訖又以一牲覆其上治禮舉手曰可羶二十人

俱時下土填埆欲半博士仰白事畢帝出

自魏以來多使三公行
事乘輿罕出魏晉儀注

雖不俱存然皆
損益漢制也

祠大社帝大稷常以歲二月八月二社日祠之太

祝令夕牲進孰如郊廟儀司空太常大司農三獻

官有其注周禮
王親祭漢以來

有司行事禮云共工氏之子句龍曰后土能平九土故祀以爲社
周以甲日祭之用日之始也烈山氏之子曰農能殖百穀其裔曰
柱佐顓頊爲稷官主農事周棄代之故祀以爲稷禮王爲羣姓立
社曰太社王自爲立社曰王社故國有二社稷亦有二漢魏有官
社無稷故常二社一稷晉初仍魏無所損益太康九年改建宗廟
而社稷壇與廟俱徙乃詔曰社實一神其并二社之禮於是車騎
司馬傅咸表曰祭法二社各有其義天子尊祀郊廟故冕而射耕
也者所以重孝享之祭盛致殷薦於上帝也穀梁傳曰天子親耕
以供粢盛親耕謂自報自爲立社而祈穀焉事異報殊此國以人爲本人
以穀爲命故又爲百姓立社亦謂春祈藉田秋報之惟論太社則曰王者
二也王景侯論王社亦謂春祈藉田秋報之惟論太社則曰王者
上下圻內爲百姓立社之曰太社不自立於京師也此據祭法大夫
以下成羣立社曰置社景侯解爲今之里社者也然景侯以置社
爲民間之社復以大社爲民間之社未曉何意也案禮郊特牲曰
天子大社則其數不一蓋以里所爲名左氏傳盟於清邱之社是也
若置社則其數不一蓋以里所爲名左氏傳盟於清邱之社是也
民間之社不能稱太若復不立之京都當安所立乎祭法又曰王
爲羣姓立七祀自爲立七祀言自爲者都當安所立乎祭法又曰王
羣姓而祀也前被敕云尙書召誥社於新邑唯一太牢不二社之
明義也按郊特牲曰社稷太牢必援社於新邑唯一太牢不二社之
稷無牲矣說者則曰舉社以明稷何獨不可舉一以明社之無二則
人掌設社壇無稷守今帝社以明稷何獨不可舉一以明社之無二則
動稱社稷周禮王祭稷則絺冕此王社有稷之文封人設壇之無
稷字說者以爲畧文從可知也謂宜仍舊立二社而加立帝社之